

Finanziamenc per l'informazion ti lengac mendres

La Conferenza de la Mendranzes linguistiches de la Provinzia de Trent, chiamèda ite al prum de dezember, à aproà l program di intervenc e la spartijon de la ressorses

Mendranzes - L prum de dezember a Trent se à binà la Conferenza de la Mendranzes linguistiches de la Provinzia de Trent, che l'ha l'encèria de aproèr i finanziament per l Pian organich de politica linguistica e l Pian de l'informazion per la mendranzes ladina, mochena e cimbra del Trentin.

Lera la 26^a conferenza e desche semper era envié a tor pèrt i raprezentanc istituzionèl de la trei mendranzes che vif sul tegnir provinzial, per i ladins i amministradores di comuns de Fascia e del Comun general e i raprezentanc de l'Istitut Cultural, de la Scuola de Fascia e de l'Union di Ladins.

Ge pervegn apontin a chest organism de aproèr l program de

intervene per l'informazion ti lengac de mendranza, pervedù da l'art. 23 de la L. P. n. 6/2008 su la mendranzes linguistiches, e la proponeta de spartijon di finanziament anter ladins, mocheni e cimbres che vegn lurèda fora dal Servije Mendranzes Linguistiches de la PAT.

Te chesta ocajion l President de la Provinzia Ugo Rossi l'ha abù mandat de tegnir ence per l'an che vegn l medemo nivel de finanziament per la mendranzes e l se à tout sù l'empegn de portèr inant chest obietif te l'aproazion del bilanz, ajache - l'ha dit per nos la mendranzes linguistiches - a na valuta emportanta desche la sanità o i servijes sozièl, les conscidron n element de coejon sozièla.

La soma a la leta per l finanziament

de scomenzadives per i sostegn e la promozion de la mendranzes per l'an 2018 sarà donca de zirca 769.000 euro e de chisc passa 416.000 é destiné al Pian de l'informazion ti lengac de mendranza e l rest per scomenzadives tel ciamp de la cultura, de l'autoformazion e del stravardament.

Tel cors de la Conferenza l'é stat ence portà dant l'intendiment de slarièr fora te la istituzion de duta la provinzia l'informazion e la domana de adejion a la campagna "Minority SafePack", portèda inant da la FUEN "Federal Union of European Nationalities" e jà sostegnuda ence dal Comun general de Fascia e da l'Union Generala di Ladins dla Dolomites.

Apede chest la Conferenza l'é stat

l'ocajion, da man de l'assessor a la mendranzes de la Region Giuseppe Detomas, per meter duc en consaputa del percors che à portà al gran obietif

del recognosciment a nivel costituzionèl del Comun General de Fascia, n obietif che é stat saludà da duc con gran sodesfazion. (lg)



I raprezentanc de la mendranzes linguistiches endèna la Conferenza provinzièla.

